

Headline	Mobile Apps pasar tani		
MediaTitle	Sinar Harian (Pantai Timur)		
Date	08 Jul 2018	Color	Full Color
Section	News	Circulation	160,000
Page No	22	Readership	509,000
Language	Malay	ArticleSize	392 cm ²
Journalist	NOOR HAYATI MAMAT	AdValue	RM 3,108
Frequency	Daily	PR Value	RM 9,323



Mobile Apps pasar tani

Aplikasi mudah alih sedia maklumat makanan unik di hujung jari

NOOR HAYATI MAMAT

KUALA PING

Kemudahan aplikasi mudah alih pasar tani atau 'Mobile Apps' antara medium pilihan terbaik bagi orang ramai mencari produk unik terutamanya makanan-makanan tradisional seluruh negara termasuk Terengganu.

Penyelaras Pasar Tani Terengganu, Halmi Hamzah berkata, selain memaparkan segala maklumat berkaitan pasar tani, aplikasi itu secara tidak langsung berperanan membantu dari aspek pe-

lancongan.

"Aplikasi ini dilancarkan Mac lalu dan boleh dimuat turun secara percuma di Google Play Store dan Apple Store.

"Kemudahan ini menjadi nilai tambah perkhidmatan Fama menyebarkan maklumat pasar tani kepada pengguna.

"Selain memaparkan perbandingan harga barangan antara pasar awam dengan pasar tani, melalui aplikasi ini juga, pengunjung dapat cari makanan unik yang jadi daya tarikan di pasar tani," katanya, di sini, kelmarin.

Beliau ditemui Sinar Harian sewaktu Majlis Sambutan Aidilfitri Pasar Tani Kuala Ping, di Dataran Kampung Kuala Ping yang turut dihadiri Pegawai Fama Daerah Hulu Terengganu, Mohd Zulkhairi Razak.

Katanya, aplikasi 'Mobile Apps' turut memudahkan



Halmi (tengah) bersama jawatankuasa Pasar Tani Kuala Ping dan tenaga penting pasar tani dan Fama bergambar kenangan sempena Majlis Sambutan Aidilfitri Pasar Tani Kuala Ping.

pengguna mencari lokasi bagi penggemar makanan termasuklah mereka yang mencari makanan unik dan tradisional yang terdapat di Pasar Tani Kuala Ping.

"Bagi Terengganu, setakat

ini sudah hampir 20 pasar tani yang ada barangan komoditi segar dan makanan-makanan unik telah kita muat turun dalam aplikasi tersebut

Katanya, produk komo-

diti segar buah-buahan berusia seperti durian kampung, rambutan serta duku juga dimuat turun dari semasa ke semasa dan orang ramai boleh membuat perbandingan harga dengan tempat lain.

info

Aplikasi 'Mobile Apps' turut memudahkan pengguna mencari lokasi bagi penggemar makanan termasuklah mereka yang mencari makanan unik dan tradisional yang terdapat di Pasar Tani Kuala Ping.

"Penceritaan berkaitan mercu tanda tempat menarik atau destinasi pelancongan berhampiran pasar tani juga ada diceritakan. Kalau di Kuala Ping ini, tentunya Tasik Kenyir.

Dalam perkembangan berlainan, beliau turut mengingatkan para petani seluruh pasar tani di negeri ini mematuhi peraturan ditetapkan sambil memberitahu penguatkuasaan daripada pihak Fama dijalankan secara berskala.